




Nishtum Ayishiinoo Daan la Vil AEN PLAAN TOOCHIKAATEWIIN



Nishtum Ayishiinoo ooshchi Daan la Vil enn waahkoomiwayk kii maachihtawuk poor oota kaykway ta ishpayihk, mamawiiitowuk toot sort di naasyoon, ooshihtawuk oota ooschi waahkoomiwayhk miina la riizhyoon kishaywaatishiwin miina nakatoohkumook ooma ka miyikit enn paarsonn-nakatwayhtamawin, nakayaashkumowin-maachihtahtawiin wiichihiwayiwin aykwaanima nakaatoohkatum oota ooschi kishchitayhtakoshiwin.

Nishtum Ayishiinoo Aen Plaan TooChikaatewiin (aen plaan) taanishi ayshitotamun kaashkitamashoowiin aen wiichihow Ontario ooshchi aen maachihtaht ta kiishichikaatek taanishi chi tootamihk, taanishi kawiihtakamikuhk miina koochiiwin aakwaaniki nakaatoohkatum poor sapraan chi ayaahk miina nawut Nishtum Ayishiinoo daan la vil mamowwiitowin miina enn waahkoomiwayk. Ooma aen plaan shiikhimikew poor naayihumowiin aantor deu Nishtum Ayishiinoo daan la vil mamowwiitowin, enn waahkoomiwayk, aen provincial li goovarnimaan miina boon keur li public wiichihiwayiwin ishi:

- Nishtawinum kishaywaatishiwin miina nakayaashkumowin nishtum ooshchi sapraan chi ayaahk poor taanishi ayshitotamun kaashkitamashoowiin miina taanishi kawiihtakamikuhk kiishichikaatewiin; miina,
- Kishkinahamakew taanday chi itohtayhk li goovarnimaan miina aen li public wiichihiwayiwin ta kiishichikaatek kishkayhtaakwun, mamawii taanishi chi tootamihk, taanishi kawiihtakamikuhk miina taanishi itayhtamun avek, miina ta nakishka sa praan chi-ayaahk ooshchi, Nishtum Ayishiinoo daan la vil mamowwiitowin miina enn waahkoomiwayk.



AEN ISHIWAAPAHTUK

Nishtum Ayishiinoo Daan la Vil Aen Plaan taanishi aen ishiwapahtum kishchii tayihtaakooshiwin miina kishaywaatishiw avek Nishtum Ayishiinoo chi kishkayhtamihk nishtum ooshchi taanishi ayshitotamun kaashkitamashoowiin, aen plaan miina piikishkwewin aantor deu enn provayns an Ontario miina Nishtum Ayishiinoo Daan la Vil mamowwiitowin miina enn waahkoomiwayk.

